

Lotto cu palabra di pabien na e trio di bowling cu e logra medaya di Plata pa Aruba den Centro Americano y del Caribe di bowling na Gautemala

ORANJESTAD – Recientemente un delegacion masculino y femenino den e deporte di bowling a biaha pa Guatemala unda nan a competi den e Weganan Centro Americano y del Caribe di Bowling 2017.

E weganan aki tabata di suma importancia mirando cu e tabata pa e clasificacion final pa participa na e Weganan Centro Americano y Del Caribe di otro aña na Barranquilla, Colombia.

Mester bisa cu den e competencia den e categoria di trio, e atletanan Kamilah Dammers, Thashaina Seraus y Jeadine Luidens ta sobresali den e campeonato aki unda nan ta logra conquista e medaya di Plata pa Aruba. E ultimo biaha cu Aruba a logra medaya den e competencia di trios tabata na aña 2010 den e Weganan Odesur na Medellin, Colombia cu Kamilah Dammers, Thashaina Seraus



y Shari Albertus. Sin duda esaki tabata un otro logro mas pa e deporte di bowling di Aruba.

Na banda di e conquista importante di e medaya di Plata, tanto nos delegacion masculino y esun femenino a logra

clasifica pa e Weganan Centro Americano y Del Caribe 2018 cu lo tuma luga na Barranquilla, Colombia. Den e

ultimo añanan e deporte di bowling ta den un super bon desaroyo unda nos hobenan ta presentando na nivel mundial y logrando titulonnan impresionante.

Recientemente Thashaina Seraus y Kamilah Dammers-Naddal a hunga den e Professional Women's Bowling Association mientras cu e hoben Elias Halabi ta logra un triunfo historico den un competencia mundial na Macao, China. Un palabra di pabien na e atletanan di bowling di Aruba como tambe na e federacion di ARBAS cu ta traha duro na bienestar di nan atletanan.

Cumprando weganan di Lotto, e Loteria di Aruba bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e Comision di Subsidio.